

Ningun auto a haya klem riba prome dia



ORANJESTAD (AAN): Dialuna tabatin e prome dia cu Parkeermeters a funciona na Playa. Tabatin multa cu a ser duna. Sticker di advertencia poni riba bentana. Takelwagen a kita varios vehiculo staciona den hokinan prohibi of riba acera. E bon noticia? Ningun vehiculo a haya klem riba Dialuna.

Algun caminda, cayanan tabata manera bashi riba Dialuna. Esnan cu tabata buscando forma pa bay Lunch, sorprendentemente a haya espacio easy pa staciona dilanti e Restaurant. Esnan cu a bay busca rol di hilo, a haya lugar di para facilmente. Pero tog e situacion cu introduccion di e parkeermeter ta enfrentando un resistencia grandi. No pa e sistema mes pero pa e forma con el a worde pusha y na un momento cu no ta esun mas adecuado. Un comerciante malcontento a combersa cu Minister Otmar Oduber y a splike cual ta



su malcontento.

El a papia cu e Minister splikando un sistema cu por worde uza, cu un persona ta cumpra un vergunning pero cu por worde uza pa dos auto. Tin biaha, e comerciante a splika, e tin cu traha y otro dia un persona ta bini na su luga. Enbes di cumpra dos permiso, cu nan por intercambia cu esnan cu ta trahando riba

cierto dia, awor mester cumpra 4 permiso pero cu no ta worde uza tur dia. E mandatario a splika cu e por ta un bon idea pero den ehecucion, esta e parti di control, e lo bay ta dificil. E mandatario a splik'e cu kisas den algun siman ora cu tur cos trankilisa, lo por analisa e sugerencianan cu tin.